



МЕСЯЦА ИЮНЯ В 8-Й ДЕНЬ

Святаго великомученика Феодора Стратилата

Стихиры на 6, глас 2.

Подобен: Егда от Древа:

Весь привёл еси себе тебе Давшему, преблаженне, жизнь совершенну, / яко всеплодие живо и одушевлено / и жертву благоприятну и пречисту. / Темже молитвенник был еси благоприятен, / бури изымая вся, верою поющия тя, мучениче, / и призывающия тя, Феодоре.

Семя возделав прилежно всеянное Слова / в чистей твоей души, / сие умножил еси болезнми страдания / и, мудро положен в Небесных житницах, / нетленно обрёл еси наслаждение, / егоже ныне насыщаяся, блаженне, / твоими ко Христу ходатайствы / верно поющия тя спасаи.

Мучениче страстотерпче Христов, / иже в различных нуждах спасаи мольбами твоими, / всяко убо обстояние отревая / и отгоня душегубительную печаль, / благодать же и милость нам прося, / яко да молитвами твоими спасшиися, / радуящися, воспоём вси / честныя подвиги твоя, Феодоре.

Ины стихиры, глас 4.

Подобен: Яко добля:

Страдалец доблественный, / воин непобедим / Духом Святым показался еси, / низлож борителя / мудростию словес твоих / и дел твоих, мудро, терпеливными явленьми. / Темже приял еси венцы победныя / и с Вышними лики сочетался еси, / великомучениче Феодоре.

Божественный столп был еси / благочестия, пребогате, / злочестивых капищ возгнушався, / и овча всесовершенно, / и заколение благоприятно, / Заклавшемуся тебе ради чисте приводим, / Прославльшему святую твою память / и чудес сокровище ты сущим в мире / Даровавшему, Феодоре.

На крест воздвиген, / и плоти стружеме, / и острыми стрелами уязвляемь, / и на древе протяжаемь, / и мечи усекаемь, / и всякими хитростми болезней окружаемь, / непреклонен и непобедим явился еси / силою на Кресте Пригвожденнаго, / слава мучеников, Феодоре.

Слава, глас 5:

Днесь возсия паче денницы, / честная память страстотерпца Христова, / верных сердца невидимо просвещаючи / и облаки душ отгоняючи действием благодати Духа. / К нему же, мучениколюбцы, воззовем: / радуйся, иже верным явлься Богодарованная благодать / и чудес множества простирая / к тебе притекающим, Феодоре блаженне. / Христа непрестанно моля, не оскудей, / вечных благ получитьи / верою творящим память твою.

И ныне, праздника, или Богородичен, или Крестобогородичен.

Подобен: Радуйся:

Агница Своего Агница иногда зрящи, / к заколению тщащася, / усердно последоваше, сия вопиющи Ему: / камо идиши, Чадо Моё Сладчайшее, Христё? / Чесо ради скорое течение сие, Долготерпеливе, / течёши неленостно? / Иисусе возжеленнейший, / Безгрешне, Многомилостиве Господи, / даждь Ми слово, рабё Твоей, Сыне Мой Вселюбезнейший. / Не презри, Щедре, молча, Ты странно рождшую, / Боже Всещедре, / даруй ми миру великую милость.

На стиховне Октоиха.

Слава, глас 8. Самогласен:

Божиих даров яко тезоименита / и того наследника блаженства, / вси восхвалим, вернии, / и ублажим по достоянию Феодора, добляго велико-

мученика, / вселенных поборника: / молит бо ся Христу Богу о душах наших.

И ныне, Богородичен или Крестобогородичен:

Подобен: О, преславнаго чудесе:

Не терплю, Чадо, / видящи Тя на древе уснувши, / бодрость всем подающего, / яко да иже древле преступлениа плодом / сном погибельным уснувшим / Божественную и спасительную бодрость подаши, / Дева глаголаше, плачущися, / Юже величаем.

Тропарь, глас 4:

Воинствословием истинным, страсотерпче, / Небеснаго Царя воевода предобрый был еси, Феодоре: / оружиеми бо веры ополчился еси мудренно, / и победил еси демонов полки, / и победоносный явился еси страдалец. / Темже ты верою / присно ублажаем.

НА УТРЕНИ

Оба канона Октоиха, без мученичнов, и святаго на 6. Канон святаго, егоже краегранесие: Пою ты, даров Божественных тезоименита, хвалами Божественными. Творение Феоданово, глас 4.

Песнь 1

Ирмос: Моря чермную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил есть.

Мученик, яве светлостью украшаем, / Добротворцу предстоиши Христу, от Него удобряем, / яко даров тезоименит Божественных, мучениче Феодоре.

Божественными вооружився, Феодоре, оружию веры, / вражия ссекл еси твердо душетленные полки / и, победитель быв, с мученики венчался еси.

Светлое твоея души храбрство показуя злочестивому, Богомудре, царю, / премудростию словес твоих и благодатию дел, сего посрамил еси, Феодоре.

Богорóдичен: Без сэмене Óтчею волею от Божé-
ственного Дúха / Бóжия зачала еси Сына и плóтию
родила еси, / Иже из Отца без матере, нас же ради
из Тебé без отца.

Песнь 3

Ирмос: Веселится о Тебé Цёрковь Твоя, Христé,
зовúщи: / Ты моя крёпость, Господи, / и прибéжи-
ще, и утверждéние.

Ополчéние злочестíвое, я́ко воевóда сýлен,
победил еси / и строптíваго змíя вся хитрости
попрал еси.

Я́ко усёрден душею, умышлéнием благочестí-
вым, славне, / злочестíвых погубил еси прелюбо-
дéйственная чтилица.

Крёпостию пóмысла лóтых наношéния претер-
пел еси, / животвóрней мёртвости Подвигополо́ж-
ника подóбся.

Богорóдичен: Ты едина, сýщим на земли, пáче
естества, / благих Ходáтаица, Мати Бóжия была
еси. / Тёмже Ти, раду́йся, вопиём.

Седáлен, глас 8.

Подóбен: Премúдрости:

Божéственное всеорúжие восприём и идоль-
скую лeсть низложив, / Ангелы возста́вил еси
восхвалíti пóдвиги тво́я, / я́бо, Божéственнойю
любóвию ум распалив, / на óгненную смерть дóбле-
ственно дерзнул еси. / Тёмже тезоименитно прося́-
щим тя / даéши Божéственная даровáния, страсто-
тёрпче Феóдоре. / Сего́ ради вопиём ти: / моли́
Христá Бóга грехов оставлéние подáти / чтúщим
любóвию пáмять твою́.

Сла́ва, и ны́не, прáздника или́ Богорóдичен:

В напáсти многоплетéнная впад от враг вíди-
мых и невíдимых, / бурею одержим безчýсленных
согрешéний моих, / и я́ко к тёплому заступлéнию и
покрóву моему́, Чýстая, / ко пристáнищу притекаю
Твоея́ блáгости. / Тёмже, Пречýстая, из Тебé
воплощённому безсéменно / моли́ся прилéжно о
всех рабéх Своих, / непрестáнно молящих Ти ся,
Богорóдице Пречýстая, / молящи Егó присно сог-
решéний оставлéние даровáти / воспева́ющим до-
стойно сла́ву Твою́.

Крестобогорóдичен:

Дéва и Мáти Иисúсова, на Дрéве зрящи Творца, /
стеняше, слезящи, и люте уязвляшеся, дúшу и тéло
растерзáющи, / биóущися, и к Немú вопиóущи
гóрько, и взывáющи: / увы́ Мне, о Сы́не Мой! / Кáко
претерплю́ страсть Твою́, гвóздие и копиé, / Яже
без болéзни Тя рóждши? / Но потщíся востáти, и
видети Тя, Сы́не Мой и Бóже, / и от рыдáния
престáти и болéзни, / и пою́щии Твоя́ стра́сти
согрешéний разрешéние при́мут.

Песнь 4

Ирмóс: Вознесéна Тя видевши Цéрковь на
Крестé, / Сóлнце Прáведное, / ста в чíне своéм, /
достóйно взывáющи: / слáва силе Твоéй, Гóсподи.

Уязвíл еси́ змíя, уязвítи тя хотя́щаго, / и
терпелíвыми сопротивлéнии мученик явíлся
еси́, / поя́ прилéжно тя Укрéплъшему: / слáва силе
Твоéй, Гóсподи.

Изнури́в плоть многими рáнами, / пóмысл не-
преклóнен поста́вил еси́, треблажéнне, / поя́
усéрдно тя Укрéплъшему: / слáва силе Твоéй,
Гóсподи.

Украсíлся еси́ страдáньми Влады́ки, / твоя́ че-
стна́я страдáния, премúдре, совоку́пль, / и сподó-
бился еси́ Тогó свéтлости и желáемья красоты́.

Богорóдичен: Неискусобра́чно родила́ еси́, о
Дéво, / и по рождествé явíлася еси́ дéвствующи
пáки. / Тэмже немóлчными глáсы, éже радуйся,
Тебé, Влады́чице, / véрою несумнéнною взывáем.

Песнь 5

Ирмóс: Ты, Гóсподи, мой Свет, / в мир пришёл
еси́, / Свет Святый, обрацáяй из мрáчна
невéдения / véрою воспевáющия Тя.

Кроплéнием плотскíх кровéй / уста́вил еси́ дé-
монскую на па́губу приносíмую кровь, / непобедí-
ме Феóдоре.

О, нра́ва благочестíва! / О, дóблественна рáзу-
ма! / О, véры теплэйшия честна́го страсотёрпца, /
ёюже Бóга получи́!

Ум имéя, свéтом Бóжиим осия́емь, / побóрника
злóбы омрачíл еси́, змíя, Богоно́се Феóдоре.

Богорóдичен: Ты ору́жие непобедíмое на враги́ предлага́ем, / Ты утвержде́ние и наде́жду на́шего спасе́ния, Богоневéсто, стяжа́хом.

Песнь 6

Ирмо́с: *Пожру́ Ти со гла́сом хвалéния, Гóсподи, / Цéрковь вопиéт Ти, / от бесóвския крóве очíщися / ра́ди мýлости от ребр Твои́х / истéкшею Крóвию.*

Победíл еси́ усéрдием дéрзостным низлага́ющих, / на крестé простéрт и гвоздьми́ пробода́емь, блаже́нне, / изобража́я спасíteльную страсть Зиждíteля.

Закóнно стра́ждущему, Христóс тебе́ явля́ется, в темнице́ затворéну, / воздвиза́я я́ко Подвигополо́жник к подвиго́м на враги́ борéния, пресла́вне.

Жéртву чýсту, и свя́ту, и непорóчну / тебе́ ра́ди волею́ Себе́ жéртву принéсшему, / привéл еси́ себе́, страстотéрпче Феóдоре.

Богорóдичен: О, чýдо, всех чудéс новéйшее! / я́ко Дéва, во утрóбе вся Содержа́щаго неискусомýжно зачéнши, не тесновместí.

Конда́к, глас 2.

Подóбен: Вь́шних ища́:

Мýжеством души́ в véру оболкíйся / и глаго́л Божий, áки копиé, в рýку взем, врага́ победíл еси́, / мýчеников превéлий Феóдоре, / с ними́ Христý Бо́гу моля́ся не престáй о всех нас.

Йкос:

Страда́льцев пресвётлую добрóту, / приидíte вси, пéсненными венцы́, вёрнии, Феóдора венча́ем: / дар бо Бóжий вели́к мýру явíся сия́ньми чудéс. / Врага́ бо побéждь вели́ара страда́нии честны́ми, / одождя́ет вмéсто крóвных ка́пель исцелéний то́ки, / с сими́ úбо все́ми раду́ется Христý и даéт мир неоскúден. / Тем вопи́ем ему́: / моли́ непрестáнно о всех нас.

Песнь 7

Ирмо́с: *В пещи́ авра́мстии óтроцы персидстей, / любви́ю благочéстия па́че, / неже́ли пла́менем,*

опалѣеми, взыва́ху:/ благословѣн еси́ в хра́ме сла́вы Твоея́, Го́споди.

В пещи́ твои́х подвиго́в, мучениче сла́вне, вещь злочѣстия попалѣл еси́/ и свети́ло благочѣстия, поя́, был еси́:/ благословѣн еси́ в хра́ме сла́вы Твоея́, Го́споди.

Яко воево́да, яко смы́слен и трѣзвеник де́лом,/ царя́ несмы́слена и злочестѣва премогл еси́/ и показáл еси́ сего́ некрѣпка, укрепѣвсь си́лою духо́вною.

Закон побежда́ется похвала́ми вели́чества твоего́:/ ты бо пресветлы́ми просия́л еси́ облиста́нии мучѣния,/ Влады́ще твоему́ вопи́я, Феодоре:/ благословѣна держа́ва Твоего́ влады́чества.

Богородичен: Вы́шняго освященно́е Божѣственное селѣние, ра́дуйся,/ Тобо́ю бо даде́ся ра́дость, Богороди́це, зову́щим:/ благословѣна Ты в жена́х еси́, Всенепоро́чная Влады́чице.

Песнь 8

Ирмос: Ру́це распротѣр, Дани́ил/ львов зия́ния в ро́ве затче́,/ о́гненную же си́лу угаси́ша,/ добродѣтелию препоя́савшеся,/ благочѣстия ра́чители, о́троцы, взыва́юще:/ благослови́те, вся дела́ Господня́, Го́спода.

На Тя упова́в, мене́ ра́ди Крест и смерть претерпе́вшаго,/ на крест воздвиго́хся, Влады́ко,/ и уязвля́емь стреля́ньми, и лю́тым прикаса́ясь ра́нам, Го́споди,/ вопи́ял еси́, мучениче, стражда́, доблемудренне Феодоре.

Привѣл еси́ жѣртву чи́сту себе́ Зиждителю твоему́, ра́дуясь, Феодоре,/ и отлучѣвсь, сла́вне, к Ца́рству Небѣсному, с мученики свяще́нно взыва́я всегда́:/ благослови́те, вся дела́ Господня́, Го́спода.

Яко крин, яко шипок разумный, воня́ми страда́ний твои́х благоуха́еши нас,/ отгоня́я благода́тию всегда́ злосра́дие страсте́й на́ших/ и понужда́я вопи́ти благово́нною душе́ю:/ благослови́те, вся дела́ Господня́, Го́спода.

Богородичен: Ты еди́на во всех родѣх, Де́во Пречы́стая, Ма́ти яви́лася еси́ Бо́жия,/ Ты Боже́ства́ была́ еси́ жили́ще, Всенепоро́чная, не опаль-

шихся огнём неприступнаго Свѣта. / Тѣмже вси Тя благословимъ, Маріе Богоневѣсто.

Песнь 9

Ирмосъ: *Камень нерукоосѣчный / от несекомыя горы, Тебѣ, Дѣво, / краеугольный отсечѣся, / Христосъ, совокупивый разстоящаяся естества, / тем, веселящися, Тя, Богородице, величаем.*

Ныне со блаженными соборы и мученическими лики, / яко украшенъ страданьи, соводворяяся и свеселяся, / венецъ нося, предстоиши желаемому тебѣ, Феодоре.

К высотѣ Небесней взятся, о земныхъ небрегъ, / и желаемаго тебѣ конца сподобился еси, / то самое совершение желаний, Феодоре, восприемъ, радуяся.

Имый к Богу дерзновение, яко добль и мудръ страдалецъ, / восхваляющимъ тя любовью согрешенный оставление проси, / от страстей и скорбей всехъ насъ избавляя.

Единаго Тя, безсмертна Слова, плотию пострадавшая и умерша, / мученикъ Богомудрый возжелавъ, / безсмертия Твоего получивъ, на Небеса вселися, / к Зиждителю всехъ Всесильну.

Богородиченъ: *Благословенную Марію и Божию Матерь Дѣву, / приидите вси, верою и любовью непрестанно восхвалимъ, / Еяже ради обрѣтше вѣчное радование.*

Светилен.

Подобенъ: Небо звездами:

Ты, красенъ добротою, и воевода благомощенъ, / и славный во страдальцехъ воинъ, принѣслся еси Христу / и миру даръ Божественный, Феодоре, показался еси.

Слава, и ныне, праздника или Богородиченъ:

Державнымъ Твоимъ кровомъ отъ врагъ навета насъ, Чистая, / Твоя рабы, сохраняй вся невредны: / Тя бо стяжаниемъ единому прибежище въ нуждахъ.

На стиховне Октоиха. Слава, гласъ 8:

Страдальческий составль подвигъ, / на прелесть мужествовалъ еси, Феодоре, / огневымъ язы-

ком твоим / посрамил еси Ликиниёво безчеловечество. / Тёмже, и со Ангелы радуясь, блаженне, / моли Христа Бога, / яко да милостив будет нам в День Судный.

**И ныне, праздника или Богородичен.
Крестобогородичен писан вечер на стиховне.**

НА ЛИТУРГИИ

Блаженны праздника или Октоиха и святого песнь 3-я. Прокимен, глас 7: Возвеселится праведник о Господе: Стих: Услыши, Боже, глас мой, внемди молити ми ся к Тебе. Апостол к Тимофею, зачало 292. Аллилуия, глас 4: Праведник, яко финикс, процветет, яко кедр, иже в Ливане, умножится. Евангелие от Матфея, зачало 36. Причasten: В память вечную будет праведник:



Святой великомученик Феодор Стратилат пострадал за Христа в 319 году, при Римском императоре Ликинии (управлял восточной половиной Римской империи с 307 по 324 год). Перед мученической кончиной, которая последовала 8 февраля, он завещал своему слуге Уару, чтобы тело его было погребено в родном городе Евхаиты (в северной части Малой Азии), в имени родителей. Перенесение мощей святого великомученика Феодора Стратилата совершилось 8 июня 319 года. В честь этого события 8 июня установлено празднование. Память святому великомученику Феодору Стратилату совершается также 8 февраля, в день его кончины (см.: Минея-февраль).



**Святителя Феодора, епископа
Суждальскаго, чудотворца**

НА ВЕЛИЦЕЙ ВЕЧЕРНИ

На Господи, воззвах: стихирь, глас 8:

Чтó ты наречём, святителю Феодоре? / Ангела ли, яко подобно Безплотным на земли пожил еси? / Апостола ли, яко первый в стране нашей святое Евангелие проповедал еси? / Мученика ли, яко за Христа Господа живот твой положить готов был еси, / обращая люди от тьмы неведения к Свету Богоразумия? / Темже днесь пресветлую память твою совершающе, / по долгу хвалим преславное житие твоё.

Хвалим тя вси, святителю Феодоре, / яко реку духовную, — напаяющую жаждущих истинныя жизни; / яко светильник, озаряющий разумы Богу угождати желających; / яко огненный столп, наставляяй шествующих пустынею жизни / в обетованное наследие Богоблаженства. / Хвалёбную ўбо песнь нашу прими / и Бога умоли спастися душам нашим.

Святителю отче Феодоре пречудне, / служителю таин Божественных, / делателю вертограда Христова, / веры утверждение, Церкви столпе непоколебимый, / источнике чудес обильный, / стаду своему тёплый предстателю, / моли спастися душам нашим.

Слава, глас 6:

Излияся благодать во устнах твоих, / святителю отче Феодоре, / и был еси пастырь Христовы Церкви, / уча словесныя овцы веровати в Троицу Единосущную, / во Едино Божество.

И ныне, Богородичен.

Прокимен дне, и чтения три святительская (зри страницы 554—557).

На литии стихирь, глас 1, писаны на хвалитех.

Сла́ва, глас 6: Преподо́бне и треблаже́нне святите́лю о́тче: зри тамже. И ны́не, Богоро́дичен.

На стихо́вне стихи́ры, глас 2:

Дом и жили́ще / Ду́ху Пресвято́му, / премудре Феодо́ре, был еси́, / те́мже и нас до́мы То́му соде́лай, / и́же святу́ю твою́ па́мять почита́ющих.

Стих: Честна́ пред Го́сподем / смерть преподо́бных Его́.

Уче́ние твоё, я́ко со́лнце, / се́рдца ве́рных просвети́, / те́мже и нас / све́том Богове́дения озари́, / всечестну́ю твою́ па́мять пра́зднующих.

Стих: Блаже́н муж, бойся Го́спода, / в за́поведех Его́ восхо́щет зело́.

Не преста́й моля́ся, святите́лю Феодо́ре, / о при́сных твои́х ча́дех, / и́хже святы́м Ева́нгелием просвети́л еси́, / да вси честно́е твоё пра́зднество, / веселя́щися, почита́ем.

Сла́ва, глас 6:

Челове́че Бо́жий / и ве́рный слуго́ Госпо́день, / сосу́де избра́нный, / сто́лпе и утвержде́ние Це́ркве, / не премолчи́, вопи́я за ны ко Го́споду.

И ны́не, Богоро́дичен.

Тропа́рь, глас 8:

В моли́твах бдя, се́рдцем же о ста́де твоём вѣну бо́лезнуя, / уче́нием своим всех просвети́л еси́, Феодо́ре премудре, / те́мже Христа́ Бо́га моли́, / день па́мяти твое́й дарова́ти нам ве́лию ми́лость.

Ин тропа́рь, глас 8:

В молитве бдя, Го́рняя жела́я, / до́льняя возненави́дел еси́, / и, се́рдцем бо́лезнуя, вѣну о ста́де своём пече́шися, / уче́нием бо своим всех просвети́л еси́, / Феодо́ре премудре, Христа́ Бо́га моли́ в па́мяти твое́й / дарова́ти нам ве́лию ми́лость.

Сла́ва, и ны́не, Богоро́дичен.

НА УТРЕНИ

На Бог Госпо́дь: тропа́рь два́жды. Сла́ва, и ны́не, Богоро́дичен.

По 1-м стихословии седáлен, глас 1:

Служитель быв Христу́, всяческих Влады́ще,
отче Феодоре, / научил еси́ нас и́стинному
Боговедению / и освятил еси́ Божественным Кре-
щением, / темже ты вси, яко просветителя своего́, /
и́стинно почита́ем, святителя и уго́дника
Христо́ва.

Сла́ва, и ны́не, Богородичен:

Безневéстная Чистая Богородице Дéво, / Едина
Предстáтельница вёрных и покрóве, / от бед и
скорбей и всяких лю́тых обстоя́ний изба́ви всех, /
на Тя упова́ние иму́щих, Отрокови́це, / и ду́ши
наша спаси́ Божественными моли́твами Твоими́.

По 2-м стихословии седáлен, глас 4:

От юности́ взем крест свой, / благоче́стно Хри-
сто́ви последовал еси́, / плотское мудрова́ние воз-
держáнием умерщвля́я; / темже и на святительством
седáлищи сед, святителю, / возвели́чил еси́ Влады́-
ку, / от Него́же различными дарова́нии украси́лся
еси́, Феодоре блаже́нне.

Сла́ва, и ны́не, Богородичен:

Дéво Всенепоро́чная, Пресу́щнаго Бо́га
рожда́ющая, / со святителем Того́ непреста́нно моли́, /
оставле́ние согрешений и жити́я исправле́ние
пода́ти нам пре́жде конца́, / véрою и любóвию
пою́щих Тя по до́лгу, Едина́ Всеπέтая.

По полиелéи седáлен, глас 4:

Яко со́лнце, возсия́ па́мять тво́я всему́ ми́ру, /
светя́ чудесы́ твоими́, святителю́ Феодоре, / свето-
но́сче блаже́нне, святителем похвало́.

Сла́ва, и ны́не, Богородичен:

Под кров Твой прибега́ем, Пречы́стая Дéво: /
мольбу́́ убо принеси́ о нас к Человеколю́бцу Бо́гу, /
спасти́ся рабóм Твоим.

**Степéнна, 1-й антифóн 4-го гласа. Прокíмен,
глас 4: Честна́ пред Гóсподем / смерть преподóб-**

ных Его. **Стих:** Что воздам Господеви о всех, яже воздаде ми? **Евангелие от Матфея, зачало 11.**

По 50-м псалме стихира, глас 6: Излияся благодать: зри **Славник на Господи, воззвах:**

Канон, глас 6.

Песнь 1

Ирмос: Яко по сѹху, пешешествовав Израиль / по бѣдне стопами, / гонителя фараона / видя потопляема, / Богу побѣдную песнь поим, вопияше.

Непорочным твоим житием / Христу Богу благоугодил еси, всеблаженне Феодоре, / Егоже ныне моли о рабах твоих, / верою почитающих всечестную твою память.

Премудростию, досточудне, украшаяся и разумом просвещаяся, / смирением же сердца и высотой жития красуясь, Феодоре, / в Небесныя селения прешел еси.

Избран быв Господем служити честному Евангелию, блаженне Феодоре, / во благоразумии люди учении премудрыми, отче, возрастил еси.

Богородичен: Мудрость Пренебесную, и Слово Присносущное, / и Врача всех Христа рождающая, Дево, / струпы и язвы души моея исцели лютыя.

Песнь 3

Ирмос: Несть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Молися Вседержителю избавитися стаду твоему от навета вражия, / премудре Феодоре, молитвами твоими.

Гроб, идеже лежит честное тело твоё, / в надежде на помощь твою нас укрепляет, / и упованием обвеселяет верных, / святителю преславне и всечестне Феодоре.

Всеблаженне Феодоре, / дерзновение имея к Триипостасному Божеству, / непрестанно молися о душах наших.

Богородичен: Зиждитель мой во чреве Твоем зиждется, / и млеко питается, питаей всякое дыхание, / Мати Дево Богородице.

Седáлен, глас 3:

Ко Гóсподу обращенны имéя óчи сердéчныя, /
вся, я́же на землѣ, оставил есѣ / и, мно́ги труды во
своём житиѣ подъяв, / вся́кия добрóты обитель
показáлся есѣ, / тёмже, я́ко имéяй дерзновéние ко
Гóсподу, / моли́ спастѣся душáм нáшим.

Слáва, и ны́не, Богорóдичен:

Небéсная веселя́хуся и земнáя с трéпетом ужасá-
хуся, / егда́ Безплóтным рáдость Тебé принесé,
Богорóдице. / Тёмже со Ангелом Тебé вопиём: /
ра́дуйся, Чѣстая, Бóжие жилище.

Песнь 4

Ирмос: Христóс моя́ сила, / Бог и Госпóдь, /
честнáя Цёрковь / боголéпно поёт, взывáющи, / от
смѣсла чѣста о Гóсподе прáзднующи.

Млекóм учéний твоѣх, Феóдоре, жа́ждущия
духóвнаго просвещéния дúши напоѣл есѣ / и был
есѣ нам просветитель / и путѣ спасéния указáтель
пречúдный.

Ты исполнен Свята́го Дúха, священне óтче
Феóдоре, / лука́выя дúхи от человек отгна́л есѣ, /
вёрныя же духóвными учéнии твоѣми просветѣл
есѣ.

Источѣл есѣ, святителю, учéния рéки
живóтнаго / и вся́ку дúшу благочестѣвых напоѣл
есѣ.

Богорóдичен: Рáдуйся, Пресвятáя Дéво, / Гóр-
них чинóв удивлéние, / прорóческая прóповедь,
апóстольская немóлчная уста́.

Песнь 5

Ирмос: Бóжиим свéтом Твоѣм, Бла́же, / ўтреню-
ющих Ти дúши любóвию озари́, молю́ся, / Тя
ведети, Сло́ве Бóжий, / Истиннаго Бóга, / от мра́ка
грехóвнаго взывáюща.

Моли́, святителю, избáвितися вéчнаго мучéния /
пáмять твою́ любóвию почита́ющим.

Бóжия божéственне совершáя, / и чистéйшим
пóмыслом чѣстым прикасáясь, / непорóчен явился
есѣ, служá Бóгови, / я́ко Бóжий святитель священ-
нейший.

Не прѣзри, святителю Феодоре, притекающих к предстательству твоему / и всем полезная молитвами твоими испроси.

Богородичен: Пресвятая Дево, / молися Сыну Твоему и Богу нашему, / да сохранит град сей и люди заступлением Твоим.

Песнь 6

Ирмос: Житейское море, / воздвизаемое зря напастей бурею, / к тихому пристанищу Твоему притек, вопио Ти: / возведи от тли живот мой, / Многомилостиве.

Неуклонным разумом простираяся ко Христу Богу, / многокозненного врага стрелы притупил еси, / Феодоре, отче наш.

Разрши ны от греховных соуз и зол безчисленных / молитвами твоими, святителю Феодоре.

Божественным поучаяся, / в мысленная же святая святых восходя, / верных озарил еси смислы, открыв им таинство Пресвятыя Троицы, / священный отче Феодоре.

Богородичен: Воспойте, вси вернии, / пойте же Возсиявшему боголепно из чрева Неискусомужныя.

Кондак, глас 3:

Яко велие солнце, / возсия преславная память твоя, премудре Феодоре, / в нейже подаваеши в бедах сущим спасение, / притекающим к тебе усердно, / благодатию, еюже облагодати ты Христос / в жизни нескончаемой.

Икос:

Духовныя ради мудрости, / Православныя веры учитель явился еси, Феодоре всеблаженне, / чистоты же ради душевныя и телесныя, / достойна архиерейства обрете ты Христос Бог, / и упасл еси врученную ти паству, / по преставлении же чудес дарованием обогатился еси. / И нас причастники благодати сотвори, / еюже облагодати ты Христос в жизни нескончаемой.

Песнь 7

Ирмос: Росодательну ўбо пещь / содела Ангел / преподобным отроком, / халдеи же опаляющее / веление Божие мучителя увещá вопíti: / благословен еси, Бо́же отец наших.

Божественными зарями светонóсными прísно озаряя дýши наша, / научи нас пéти: / благословен Бог отец наших.

Дремáние от óчию нашею оттряс, / Божественными же бодростьми сердца́ наша оживив, / непрестáнно пéти укрепí: / благословен Бог отец наших.

Сын дне быв, святителю, / труды́ вара * дневнаго понесл еси, / ихже ради́ благодать исцеления приём, / щедро подаёши ю поющим: / благословен Бог отец наших.

Богородичен: Плотию рóждши Безплотнаго, Богородице Пречíстая, / страсти утоли́, Дево, в сердца́х всех, поющих: / благословен Бог отец наших.

Песнь 8

Ирмос: Из пламене преподобным рóсу источил еси / и праведнаго жéртву водою попалил еси: / вся бо твориши, Христэ, тóкмо е́же хотéти. / Тя превозносим во вся вéки.

Оставил еси́, святителю, вся житейския сласти, / сегó ради́ от дрéва живóтнаго причащáешися во вéки.

Влады́це твоему́ Христу́ подобитися ревнүя / и труды́ к трудом в делании заповедей Егó прилага́я, / исполнь плодов благих, óтче, / в Вьшняя прешел еси́ покоища.

Потщáлся еси́ дýши неверных под ýго Христо́во подклонíti, Феодоре, / тэмже явился еси́ столп Цérкве, непоколебимый во вéки.

Богородичен: Тобóю нам, Дево Пречíстая, свет возсия, во тьме сидящим, / и отпу́щение согрешений устроися: / Ты бо Зиждителя, всех Бо́га, родила́ еси́, / Егóже превозносим во вся вéки.

* вара — зноя

Песнь 9

Ирмос: *Бо́га / челове́ком невозмо́жно ви́дети, / на Него́же не сме́ют чи́ни А́нгельстии взира́ти, / Тобо́ю бо, Всечи́стая, яви́ся челове́ком / Сло́во воплоще́нно, / Егóже велича́юще, / с Небе́сными во́и Тя ублажа́ем.*

Вседержителю Го́споди, / моли́твами Твоего́ уго́дника прости́ нам грехо́в на́ших мно́жество, / да непреста́нно Тя, ве́рнии, велича́ем.

Вседержителя и Го́спода о нас моли́, святителю Феодо́ре, / дарова́ти нам оставле́ние прегреше́ний, / да Того́ очище́нными уста́ми непреста́нно велича́ем.

Святительский престо́л во гра́де на́шем пе́рвый украси́л еси́ све́тло, / в нем же пожи́в, я́ко А́нгел, / святы́м жити́ем и уче́нием Божество́нным освяти́л еси́ лю́ди, Богому́дре.

Богородичен: Милосе́рдая Госпоже́ Де́во Богоро́дице, / ро́ждшееся из Тебе́ Сло́во па́че сло́ва непреста́нно моли́ спасты́ся нам, / да Тя непреста́нно велича́ем.

Свети́лен:

Яви́лся еси́ ны́не в па́мяти твоёй гра́ду Су́ждалю, святителю Феодо́ре, / столп непоколеби́мый и сте́на неруши́мая, / боля́щим утеше́ние, грешников споручни́че, / Бо́гу приле́жно за ны моля́щийся.

Сла́ва, и ны́не, Богородичен:

Христа́ нам родила́ еси́, Пречи́стая Влады́чице, Богора́дованная Де́во, / спаси́ град и лю́ди на Тя упова́ющия, / Богоро́дице Пренепоро́чная.

На хвали́тех стихи́ры, глас 1:

Святителю о́тче Феодо́ре, / в твою́ свяще́нную па́мять / ве́рных собра́ние благослове́нием осени́, / и чуде́с твои́х благода́ть нам источи́, / дарова́ний светлостью́ укра́шен, / и Христу́ моли́ся / дарова́ти душáм на́шим мир и ве́лию ми́лость.

Богому́дре о́тче Феодо́ре, / до́льняя и вре́менная презре́в, / Го́рняя же и пребыва́ющая возлюбив, / в Го́рних оби́телех блаже́нных всели́лся еси́, / отню́-

дуже на ны призира́я, / Христу́ моли́ся, / дарова́ти душамъ на́шим мир и ве́лию ми́лость.

Отче Феодоре, / до́брым по́двигом подви́заяся, / на колесни́цу Богозрѣ́ния восше́л еси́ / и, к Бо́гу востѣк, / побѣ́дныя по́чести прия́л еси́, / те́ло же твоѣ́ свято́е, во грѣ́бе положѣ́но, / я́ко ми́лоть, нам оста́вил еси́, / источа́ти исцелѣ́ния. / Те́мже Христу́ моли́ся / дарова́ти душамъ на́шим мир и ве́лию ми́лость.

Сла́ва, гласъ 6:

Преподо́бне и треблаже́нне святите́лю отче Феодоре, / па́стырю до́брый, / нача́льнаго Па́стыря Христа́ ве́рный учени́че, / сам ны́не моли́твами твои́ми испроси́ / дарова́ти нам ве́лию ми́лость.

И ны́не, Богоро́дичен.

На Литурги́и служба́ святите́льская.

Моли́тва

О вели́кий архиере́ю Бо́жий, Феодоре́ треблаже́нне! Иже градъ Су́ждаль и окрѣ́стныя гра́ды и страны́ святы́м Крещѣ́нием просвети́вый и от тьмы невѣ́дения к свѣ́ту Богоразу́мья приве́дый, пе́рвый во благода́ти Правосла́вныя ве́ры нам па́стырь и уго́дник Госпо́день, А́нгельскаго жити́я ревни́тель и апо́столов подо́бник, гра́ду Су́ждалю защи́титель и всем, с ве́рою к тебѣ́ притека́ющим, помо́щник ве́лий и засту́пник те́плый! Услы́ши нас, грѣ́шных и недостой́ных раб твои́х, в час сей к тебѣ́ моле́ние си́е принося́щих, помяни́ нас у Престо́ла Влады́ки Царя́ Вседержи́теля Бо́га и помоли́ся о нас, грѣ́шных, я́ко да изба́вит нас от всехъ бед и зол, мир же и благоде́нствие нам да́рует. Ей, уго́днице Бо́жий и святите́лю Феодоре! Сохрани́ страну́ на́шу, градъ твой Су́ждаль и вся́кия гра́ды и ве́си от гла́да, губи́тельства, тру́са и пото́па, огня́, мечá, нашѣ́ствия иноплеме́нных, и междоусо́бныя бра́ни, и от напрáсныя сме́рти, и от нападе́ния вра́жия, и от тлетво́рных ве́тров, и от смертоно́сныя я́звы, и от вся́каго зла. Буди́ нам помо́щник и засту́пник во всей жи́зни на́шей, и изба́ви нас от оби́дящих и ненави́дящих челове́к,

непрáведно на ны востаю́щих, и от всех ви́димых и неви́димых сопроти́влений вра́жиих, и спасены́ нас предста́ви в День стра́шнаго и гро́знаго прише́ствия Госпо́дня, и сподо́би нас уллучи́ти десна́го стоя́ния во блаже́нном Ца́рствии Христа́ Бо́га. Яко́ Тому́ подобáет вся́кая сла́ва, честь и поклонéние, со Безнача́льным Его́ Отце́м и Пресвяты́м, и Благи́м, и Животворя́щим Его́ Ду́хом, ны́не, и прýсно, и во ве́ки веко́в. **Ами́нь.**

Святитель Феодор, епископ Суздальский, был родом из Греции. Он прибыл в Киевскую Русь из Константинополя в свите духовных лиц, сопровождавших святителя Михаила, митрополита Киевского (†992, память 30 сентября), который крестил великого князя Владимира в 987 году в Корсуни. По свидетельству Кормчей XIII века, список с еще более древней, равноапостольный великий князь Владимир (†1015) говорил о себе: «Прием святое крещение и прослави Бога, яко сподобити прияти такуюю благодать преосвященным митрополитом Михаилом, и взях его, первого митрополита, от патриарха и от всего собора, почтеннаго лампадою и саком, яко второго патриарха, с ним же крестих всю русскую землю».

После крещения киевлян летом 988 года, великий князь Владимир вместе с сыновьями и первым митрополитом Киевским Михаилом объезжали русские города, ревностно распространяя христианство. В Чернигов, Белгород, Переяславль, Новгород, Владимир Волынский были поставлены епископы. В 990 году митрополит Михаил посвятил в сан епископа сопровождавшего его святителя Феодора и назначил его на новоустроенную кафедру в Ростове Великом.

Рукописное житие святителя Леонтия Ростовского (†1164, память 23 мая) свидетельствует: «Бысть первый епископ Ростову Феодор и крести Ростовскую землю и Суздальскую».

Святитель Феодор сразу же приступил к строительству первого в Ростове христианского храма, первоначально деревянного. Он был освящен в честь Пресвятой Богородицы и простоял 168 лет.

Ростовские жители вначале, будучи еще язычниками, довольно враж-

дебно встретили и самого архипастыря, и все его начинания. Множество обид пришлось вынести святителю от идолопоклонников, подстрекаемых волхвами. Притеснения с их стороны все увеличивались, поэтому в 992 году епископ Феодор вынужден был покинуть Ростов Великий.

По выражению Степенной книги, святитель «изнемог» от упорных язычников и «неверных людей», не принимавших крещения.

Святитель Феодор поселился в местности, где позднее возник город Суздаль. В кратком рукописном сказании о святителе Феодоре, хранившемся в ризнице Суздальской соборной церкви, повествуется: «Приям святитель Феодор паству словесных овец в Суждальской стране и, видя их помраченными, начал, возлагая на Бога упование, сеяти семя слова Божия, идольские капища разрушая; храмы же святые во славу Божию созида и украшая. Зряще бо народи богоугодное житие его и кроткий нрав, и слыша богодухновенное учение его, по премногу удивляшеся, обращахуся в веру Христову и приимаху святое крещение».

Таким образом, суздальская местность, входившая в то время и в последующие два столетия в состав Ростовской епархии, обязана христианским просвещением святителю Феодору, который поэтому и был поименован впоследствии Суздальским. Ревностная архипастырская деятельность епископа Феодора навсегда осталась в благодарной памяти края, вписавшего столь славные страницы в историю России.

Епископ Феодор преставился в Суздале, но летописи не сообщают года его блаженной кончины; по некоторым сопоставимым данным ее

можно отнести ко времени не позднее 1023 года.

Дата прославления святителя точно неизвестна, но в соответствии с древним преданием обретение его святых мощей произошло еще до нашествия хана Батые, то есть до 1237 года.

В 1754 году епископ Суздальский Порфирий предлагал Святейшему Синоду освидетельствовать мощи епископа Феодора. Указом от 27 августа 1755 года Святейший Синод постановил: «Нет никакого сомнительства, вновь освидетельствовать несть потребы, а оставить в таком же, как доньше были, состоянии и почитании».

В 1794 году стараниями преосвященного архиепископа Владимирского и Суздальского Виктора, нетленные мощи святителя Феодора были

положены в раку из позолоченного серебра и открыто почивали с тех пор по левую сторону от иконостаса в Суздальском соборном храме в честь Рождества Богородицы.

Над мощами святителя еще с 1635 года существует настенная надпись: «В лето 6948 первый благоверный и великий князь Владимир просвети Суждальскую землю святым крещением и паству вручи епископу Феодору».

Служба святителю Феодору, а также его житие написаны иноком Григорием, подвизавшимся в Суздальском Евфимиевом монастыре, основанном в XIV веке.

В иконописном подлиннике о святителе Феодоре сказано: «Подобием сед, брада аки Василия Великого, подоле; ризы святительские и омофор, на главе клобук белый».



В
ТОЙЖЕ
ДЕНЬ

Обрѣтение мощѣй святыхъ страсотѣрщевъ благоверныхъ князейъ Васілія и Константіна, Ярославскихъ чудотворцевъ

ВѢЧЕР

На Господи, воззвахъ: стихіры, глас 2.

Подобенъ: Кѣими похвѣльными:

Кѣими похвѣльными венцы / венчаемъ пѣваемую
честную двѣицу, / Васілія и Константіна, /
два источника приснотекущая, / не воду источа-
ющая, но дар незавѣстенъ приходѣющимъ с вѣрою / вамъ,
исцелѣнія подавающимъ Христовымъ посѣбиемъ, /
подающего мірови велию милость.

Кѣими духовными словесы / составимъ праздникъ
честенъ — / обрѣтения мощѣй преславныя двѣицы, /
Богомудраго Васілія и Константіна предѣбля-
го, / яже Христа ради излившия крови своя, / яко
агнцы незлѣбивии, заклани бѣша, / и ныне пред-
стоящая Христови / с лики апостолъ, пророкъ и
мученикъ, / просяще мірови велия милости.

Кѣими пѣсенными добротами / воспоем по
достоянию / добропобѣдную и светоносную дво-
ицу, / пресвѣтлыя свѣтѣльники, / Васѣлія славнаго
с Константіном Богомудрым, / ѣстинною любовію
вкупѣ пострадавшія за веру Православную / и
предстоящія Святѣй Троице, / просяще мѣрови
мѣра и велия милости.

Ины стихѣры, глас 6.

Подобен: Все упованіе:

Трисолнечному Божеству предстояще, блажен-
нии, / и Того славы наслаждающесе, богатными
дарованіи / почестъ страданій приѣмлюще, / не-
увядаемыми венцы увязостесе / от Вседержитель-
ныя десницы Владычни, / Егоже ради и крови своѣ
изліясте, / Васѣліе блаженне с Константіном
Богомудрым. / Свѣше назирайте чтущих
любовію / пречестную память вашу.

Радость возсіяте граду своему, всечестнии, /
обрѣтением многоцелѣбныхъ вашихъ мощей / и, яко
струй, испущаете различная исцеленія / припада-
ющимъ с верою, святѣи. / И ныне предстояще
Христу, / пресвѣтлыми венцы украшени, / Васѣліе
премудре с Константіном Богомудрым, / низпо-
слѣте очищеніе греховъ верно васъ чтущимъ, / твѣр-
дии хранителие.

Фараону лютому подобяся, / злочестивый мучи-
тель диавольское киченіе воспріем, / хваляся
землю и море потребити, / ѣже христианы нещадно
посещая / и грады наша разоряя. / Вы же, пресла-
внии стратотерпцы, / яко агнцы незлобивии, / за
свое отечество пострадасте, / Васѣліе и Констан-
тине благочестивии, / онъ убо, окаянный, вско-
ре приятъ отмщеніе, / вамъ же отвѣрзесе Небес-
ное Царствіе, / и, с лики мученическими предсто-
яще Христови, / наслаждаетесе райскихъ сладос-
тей.

Лукавый падесе, / и рыдаютъ темная его воин-
ства, / видяще ветви сущія Всеволода преблажен-
наго, / Божественною благодатию благоприсажд-
емы, / и прославляемы, и свѣтло венчаемы от
Бога, / Васѣлія Богомудраго с пречуднымъ Кон-
стантіномъ, / пострадавшія единомудшно по Христе

за веру Православную / и ныне источающия исцеления струй. / Темже сошедшеся, празднующы, воспоём усердно / тёплыя заступники о душах наших.

Слава, глас 8:

Что днесь шум празднующих бываёт / и верных совокупления духовно торжествуют, / ибо, сошедшеся в храм Божия Матере / и восприемше от земельных недр / провозсиявшия два светильника пресветлыя, / достойно ублажают похвальными песнями / Василия славнаго и Константина твёрдаго, / пострадавшия за правую веру от злочестиваго царя / и своими кровью, яко порфиною царскою, одеявшеся, / от вседетельных же десницы Владычни венчавшеся нетлением / и ныне, предстояще Престолу Господню, / созерцающе доброту неизреченную / и пресветлыя славы наслаждающиеся, / молитесь Господеви, благовернии князи Василие и Константине, / даровати душам нашим велию милость.

И ныне, Богородичен: Царь Небесный:

Вход. Прокимен дне. И чтения мученическая
(зри страницы 52—53).

На стиховне стихиры, глас 5.

Подобен: Радуйся, священная:

Радуйтесь, светозарнии светильницы, / прогонители мрака греховнаго, / заступницы теплии, / иже удивляюще весь мир чудесы своими, / благоверне Василие и Константине премудре, / в пристанище тихое востекли есте / и, со Безплотными силами наслаждающиеся / красныя доброты Владычни / и верных сердца на пение воздвизающе, / Христу молитесь / даровати душам нашим мир и велию милость.

Стих: Воззваша праведнии, / и Господь услыша их.

Радуйтесь, истиннии пастырие, / иже положше души своя за словесныя овцы, / пролившии крови своя за Божественныя Церкви / и за своё отечество, / яко агнцы незлобивии, убиени бысте, /

поюще в сердцах своих Господеви песнь победную / и венцы Царствия Небеснаго от Вседержителя Бога приимше, / Василие славне и Константине незлобиве. / Темже посетите нас, озлобленных греховными страстьми, / Христу молящися о чтущих память вашу, / подати нам мир и велию милость.

Стих: Дивен Бог во святых Своих, / Бог Израилев.

Радуйтеся, Богомудрии проповедницы, / бесом прогонителие, / помрачивши безбожное шатание поганных, / цветы прекраснии, / освещающие сердца верных, / благоумными словесы и добротой изрядною украшени, / благоцветущаго винограда Небеснаго лозы новорасленные, / сродником похвалы и чести, / Василие и Константине, / молитесь Господеви даровати нам велию милость.

Слава, глас 2:

Радуйся и веселися, граде Ярославле, / процветший в себе новыя светильники. / Красуйся и ликуй, церковь Божия Матере, / народа же множество, воспевайте, празднolibно ликующе, / и, пришедше, насладитесь нынешняго торжества, / се бо наше возвание прииде, / еже Россiйския земли удобрение, / обретошабося днесъ честныя мочи / поборников наших и заступников Василия и Константина. / Мы же в церкви Божия Матере да зовем, глаголюще: / о Богомудрая двоице, / предстоящая Трiчисленней Троице, / прилeжно молитесь подати нам, / поющим честную память вашу, / мир и велию милость.

И ныне, Богородичен.

Тропарь, глас 2:

Ваше отечество хвалится обагрением кровей ваших, / Церковь же Божия радуется, / приемиши телеса ваша, / людие, песенный лик составльше, / духовною цевницею вопиют: / ликуй, Василие, радуйся, Константине, / Ярославлю славо и всей Россii радости.

Ин тропáрь, глас 8:

Возвѣсившеся на добродѣтель, к желáнию край-
нему, / и достигóте к Небѣсней высотѣ, / благо-
вѣрнии величьи князи Васíлие и Константíне, / и
безстра́стным жити́ем украсíte ду́ши своя, / по-
щени́ем же изрядно победíte бесóвския полкí / и
восприя́те чíстую сóбевь, / в молítвах я́ко
безплóтнии пребýте, / возсия́те в мíре, áки
сóлнце, преслáвнии, / молíte спастíся душáм
нáшим.

НА УТРЕНИ

По 1-м стихослóвию седáлен, глас 3:

Настá светонóсное торжество́ обрѣтения́ мощей
чúдныхъ двóицы, / слáвнаго Васíлия и Константíна
Богомúдраго, пресвѣтлыхъ страдáльцев, / назира́ют
бо свѣше, сердца́ нáша озаря́юще, / от Бóга
приѣмше́ благодáть исцелений.

Слáва, и ны́не, Богорóдичен:

Мúдрость Бóжию войстинну, Слово́ Отчее нес-
казáнно рóждшая, / душí моея́ лóтую исцели́ язву /
и сердечную́ уста́ви болѣзнь, Мáти Бóжия, / и
укротí молítвами Своими́.

По 2-м стихослóвию седáлен, глас 8:

Христóвы увѣдевше́ заповеди́ благíя и Тогó
возлюбíвше, / и о уби́ении телесé нерадíли есте́, /
ду́ши же прекрáсныя своя́ в рúце Христú предá-
сте. / Мечí úбо секóми и кóпии избодáеми и
состреля́еми, / я́ко áгнцы, без мíлости закала́ете-
ся. / Сего́ рáди от Бóга дар исцеления́ прия́те, /
страстотѣрпцы́ самобратни́и, князи Васíлие и
Константíне, / молíte Христа́ Бóга грехóв остав-
лѣние даровáти / чтúщим любóвию святúю пáмять
вáшу.

Слáва, и ны́не, Богорóдичен:

Йже нас рáди рожде́йся от Дѣвы / и распя́тие
претерпѣв, Благíй, / испровѣргий смѣртию
смерть / и воскресѣние явлѣй я́ко Бог, / не прѣзри,
я́же создáл есí руко́ю Твоёю, / яви́ человеколó-

бие Твое, Милостиве, / прими рождшую Тя Богородицу, молящуюся за ны, / и спаси, Спасе наш, люди отчаянные.

По полиелен седален, глас 8:

ВЫше естества подвижастеся пострадаати за отечество, / Богомудрии Василие и Константине, / присно, и, паче естества к страстем пришедше, / страстми мученическими прославистеся / и от Бога достойную часть получите, / яко ни о чем небрегше о безбожных повелений, / и ныне молитесь о нас Христа Бога, / даровати нам всем грехов оставление и велию милость.

Слава, и ныне, Богородичен:

Яко Всенепорочная Невеста Творца, / яко неискусомужная Мати Избавителя, / приятелище яко сущи Утешителя, Всепетая, / беззаконию мя суща скверно жилище и демонов игралище в разуме бывша, / потщися от сих злодейства мя избавити, / светло жилище добродетельми соделавши, / Светоподательная и Нетленная, разжени облак страстей / и вышняго причастия сподоби и Света Невечерняго молитвами Твоими.

Величание:

Величаем вас, / страстотерпцы Христовы, благовернии князи Василие и Константине, / и чтим честная страдания ваша, / вы бо молитесь за нас / Христа Бога нашего.

Псалом избранный: Бог нам прибежище и сила:

Таже степенна, 1-й антифон 4-го гласа. Прокимен, глас 4: Возваша праведнии, и Господь услыша их. **Стих:** Многи скорби праведным, и от всех их избавит я Господь. **Всякое дыхание:** Евангелие от Матфея, зачало 36.

По 50-м псалме стихира, глас 4:

Истинныя за благочестие исповедники, / и крепкия церковныя заступники, / и Ярославлю светлыя светильники, / и учителя Православию, / Василия славнаго с Константином Богомудрым песнями духовными почтим, / всеясте бо благоче-

стия слово в сердца верных / и ко спасению дела наставите, / и ныне предстояще Господеви с лики мученическими, / молитесь о душах наших.

Канон Богородице на 6 и святым чудотворцем два канона на 8. Канон святым, глас 3, имый краегранесие по алфавиту.

Песнь 1

Ирмос: Песнь новую поим, людие, / от Девы Родшемуся во спасение наше / и едино Сотворшему с Небесными земная, / яко прославися.

Аггче Непорочный, Слове Божий, / даруй ми слово к похвалению, / яко да возмогу от усердия моего / воспети страдавших Тебе ради и вопиющих, яко прославися.

Безвестная и тайная последнему роду явлена быша — / честныя мочи Боголюбивых князей Василия и Константина, / имже прикасающиеся, исцеления приемлют, / Христа воспевающе, яко прославися.

Во всем угождающе своему Владыце Христу, / благочестно живуще, Василие и Константине, / и от Него данную власть добре правяше, / за нюже кровей своих изливанием венцы победными увязостесь, / Господеви поюще, яко прославися.

Богородичен: Господа Бога родившую, Богородицу Тя вси уведехом, / яко от Троицы Единого, Воплощенна из Тебе, родши. / Егоже моли о поющих Тя и благодарно зовущих Ти со Ангелом: / благословен, Пречистая, Плод Твоего чрева.

Ин канон, глас 8.

Песнь 1

Ирмос: Колесницегонителя фараона погрузи / чудотвори яи иногда / Моисейский жезл, крестообразно поразив / и разделив море, / Израиля же беглеца, пешеходца спасе, / песнь Богу воспевающа.

Божественными светлостью удобряеми, / ангельскими венцы благоверно украшаеми, / славою Святыя Троицы просвещаемы, славнии князи Василие и Константине, / Начальника, премудрии, молитесь о чтущих вас.

Все желáние к Бóгу вперíсте от юности / и, к Немú имúще всю свою надежду, / телéсныя ристáния и стрaстём находы воздержáнием плóти умертв́исте, / стрaстотёрпцы свят́ии, Васíлие слáвне и Констант́ине премúдре.

Цёрковь боговместítельная, блаженнии, б́исте, / пóстническими болéзни и пóдвиги показáсте ведúщия стез́и к добродéтелем, / íмже хранítели б́исте, / тем и Бог всел́ися в вас, благодáти исполня́я вы.

Богорóдичен: Преукрашэна красотóю благодáти, Богорáдованная Влады́чице, / Яже от Отцá Слово Безначáльное, от Тебé плоть при́ймшаго, / благоутрóбием неизречéнным, пáче умá и слóва, родилá еси́, Благословéнная, / и преб́ывши Дéвою по рождествé, Несквэрная.

Песнь 3

Ирмóс: *Неплóдная душé и безчáдная, / стяж́и плод благослáвный, / веселя́щися, возоп́ий: / утверд́ихся Тобóю, Бóже, / несть свят, несть праведен, / пáче Тебé, Гóсподи.*

Душéвную чистотú сохрани́ли естé от юности своея́, / праведне Васíлие и незлóбиве Констант́ине, / стрáсти нáша утолíte молítвами вáшими свят́ыми.

Ед́инаго Бóга от юности возлюб́исте, слáвнии, / Тогó молíte слáвлящим честнóе торжество—обрéтение мощей вáших— / подáти грехóв разрешéние и мýки избавлéние / и Цáрствию Небéсному сподóбитися.

Жезлóm вéры воору́жившесе, стрáсти подъя́сте Цáрствия рáди Небéснаго, / егóже от юности возжелéли естé при́яти Христá рáди, / Емúже предстоя́ще, молíteся о íже вéрою вас восхваля́ющих.

Богорóдичен: *Зол мо́их безч́исленных не помян́и, Влады́чице, / но покрь́й мя под крóвом крилú Твоёю, / умилéнным глáсом вопию́ща Ти, / и спаси́, Ч́истая Богорóдице, достóйно Тебé величáюща.*

Ин

Ирмóс: *Утверждéй в началé Небесá рáзумом / и зéмлю на вода́х основáвый, / на кáмени мя, Христé,*

заповедей Твоих утверди, / яко несть свят, паче Тебе, Еди́не Человеколю́бче.

Уподобистесь добродетелей ради Христо́вым апосто́лом / и тех сла́ву наслéдовали есте́ проявлено, / Богомúдри, Васи́лие сла́вный и Константíне премúдрий, правосла́внии столпí церкóвнии, / благочéстию бы́сте проповéдники.

Закóн исполняюще Божéственный, / Иже от Бóга Бóга Слова, тварь всю мúдростию сотворивша, просла́вили есте́ Егó, / Отцú Собезначальна и Дúху Сопрестóльна, Содéтеля бýвших благоутóдно.

Богоявлéнием известíтесе́ Божéственному наказáнию, страстóносцы сла́внии, / та́инство богослóвити извýкше, Трóицу Святúю Присносúщную, / срáсленную же и несоздáнную, проповéдасте.

Богорóдичен: Мысленный сокруш́йся томитель, / от Гóрняго неисцéльную я́зву при́йм Ка́мене честна́го, / от чрэва Твоегó возсия́вша Христа́ Бóга нашего, / Иже прише́д к нам и земна́я с Небéсными совокупи́.

Конда́к на преставлéние, глас 8:

Яко цвёти честнии различнии, / в райстей пи́щи процвётше невестéственно, / отéчеству своему́ сла́ву véлию / и срóдником похвалу́ и честь я́вльше, / всейстиннии побéдницы, вели́кий Васи́лие и сла́вный Константíне, / но úбо не престáйте моля́щесе́ о граде ва́шем и о всех рабéх сво́их, / избáвити их от напáстей, и бед, и всяких лю́тых обхождéний, вопию́щих вам: / ра́дуйтеся, граду́ нашему́ Яросла́влю вели́кое утверждéние.

И́кос на преставлéние:

Ново́явленнии чудотворцы, св́ше своё зва́ние при́емше пресла́вно / и безсмéртную жизнь наслéдовасте, / с плóтию бо на земли́, яко в чужих телесéх, пострада́сте, / тёмже вас восхваля́ем, благове́рнии князи, си́це глаго́люще: / ра́дуйтеся, свéтлая похвалó и сла́во отéчеству ва́шему; / ра́дуйтеся, твёрдии и непоколеб́имии столпí. / Ра́дуйтеся, и́же мнóжество всекрасное и вре́менное ми́ра сегó презрэвше; / ра́дуйтеся, в правду

судящи и в разсуждѣнии правде извѣстнии совершителіе./ Рáдуйтесь, страдáльцы всечестнѣи, благочестія исповѣдницы;/ рáдуйтесь, зрителие славы Господни, наслаждающіися доброт неизреченных./ Рáдуйтесь, всю тварь благочестно чудесы удивляюще;/ рáдуйтесь, иже вашими страданьями посрамѣшася бѣсове./ Рáдуйтесь, яко вами всяка леть и страсть неверных разрушѣся;/ рáдуйтесь, истóчницы живóтных вод, источающіи различная исцелѣнія./ Рáдуйтесь, спасителие иже верою поющих вас;/ рáдуйтесь, граду Ярославлю великое утверждѣние.

Седáлен, глас 1:

Воздержáнием увядѣвше юность свою и страсти телесныя,/ яко плѣнника худа, связáвше, дүхови повинүли есте,/ и люди свой воспитáсте во злáце Божественных наказáний,/ и жезлом терпѣнія звѣри отгнасте ересем,/ и от варварскаго находѣнія грады свой соблюдоште,/ и сего рáди, Богомүдрый Васілие и Константїне чудне,/ чудесы преслáвными вас обогáщ/ Едїн Прославляяй святых Своих.

Слáва, и нѣне, Богорóдичен:

Бóжию Тя Мáтерь вси и Дѣву войстинну по рождествѣ явльшуюся вѣмы,/ тѣмже, любовію прибегáюще к Твоей благасти,/ и́мамы Тя, грѣшнии, Предстáтельница/ и Тебѣ вси стяжáхом в напáстех спасѣние, Едїну Всенепорóчную.

Песнь 4

Ирмос: Чтó ужáслся есї, Аввакуме?/ Кому́ зовѣши и вопіѣши:/ от юга приидет Бог?/ Слово Плоть бысть и вселїся в ны, и видехом,/ во хвалѣнии поюще дївному Бóгу нашему,/ яко прослáвился.

За Правослáвную веру пострадасте, благороднии Васілие и Константїне,/ и венцáми побѣдными увязóстеся,/ и нѣне, Гóсподеви предстояще, молїте о чтүщих пáмать вáшу.

Истовии* побóрницы и доброте настáвницы,/

* истовии — истинные, верные

Васілие и Константіне блаженнии, прогоните поганых безбожия / и погасите пламень страстей, палящих нас.

Избавитися поющим вас всякаго озлобления и скорби / молити, славнии, Васілие и Константіне Богомудре, / вы бо есте стена неборимая и упование известно хвляющим вас.

Богородичен: Кóрень, и истóчник, и винú нетлénия, / Тя, Дéво, вси восхваляем, Богородице, / Ты бо составное безсмертие нам прозябé, Пречíстая, от чíстых кровéй Твоих.

Ин

Ирмос: Ты моя крепость, Гóсподи, / Ты моя и сила, / Ты мой Бог, Ты моé радование, / не оставль недра Отча / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Мужески на страсти вооружитесь и безстрастнаго достигосте верха, / угодно бо бысть Бóгу ваше житиé, / и, высóким блаженством присетив вас, вручаёт вам паству Свою, верным наставником, / и вернейших показá вас.

Вам звание не от человек бысть, но от Бóга, Иисуса Христа, / яко достойне вас призвавшему к Вышнему граду Иерусалиму, / и ныне Того доброты наслаждающися, / присно сохраняйте град свой и люди, вопиющия Ему: / силе Твоей слава, Человеколюбче.

Божественней славе сподобившися, о святїи Васілие и Константіне, / получили есте Божественную зарю, / ёюже ныне достойно озаряеми, совершающим вашу память, Богомудрии, / воссылаете дар исцеления верою Христу зовущих: / силе Твоей слава, Человеколюбче.

Богородичен: С Бóгом Тебé Предстáтельница стязáхом, / Ты бо Мати Бóжия бивши, Творца и Содетеля, / наш образ восприимшаго, Всенепорóчная Владычице, / Тебé бо ради спасé мир от тлénия и смёрти / Иже Божественною славою Тя прославляй.

Песнь 5

Ирмос: Вопиёт Ти, Христé, песнь немóлчную, / от нощи úтренюя, дух мой, / Ты бо Свет истинный / и

незаходяй, просвещаяй / всякаго челове́ка, в мир грядуща.

Лю́дие, торжеству́ем свѣтло: / днесь бо хва́лим досто́йнаго Васи́лия и Константи́на победоно́снаго, / предста́тели на́ши и храните́ли.

Моли́твами ва́шими, Богому́дре Васи́лие и Константи́не незло́биве, / приходя́щи с ве́рою исцелѣ́ние неоску́дно приѣмлют, / Бо́гу вас прославля́юще, и́стинныя Сво́я уго́дники.

Наро́ди яросла́встии, соше́дшеся, / свѣтло пра́зднуем обре́тение честныхъ мо́щей Васи́лия и Константи́на, / напо́лнишася бо благоуха́ния духо́внаго и благочесты́вых вод весѣ́лия.

Богоро́дичен: О, стра́шному чудеси́! / Ты бо, Де́во Богоро́дице, / та́инство, прѣ́жде век и родо́в сокровѣ́нное в Бо́зе, / е́же вся́ческая ве́дящем, ро́ждши Бо́га Сло́ва, / несказанно яви́ла еси́.

Ин

Ирмо́с: Вску́ю мя отрину́л еси́ / от лица́ Твоего́, Свѣ́те Незаходимый, / и покрыва́ла мя е́сть чужда́я тьма, ока́яннаго, / но обрати́ мя и к свѣ́ту за́поведей Твои́х / пу́ти мо́я напра́ви, молю́ся.

В Божѣ́ственной ва́шей па́мяти / наро́ди собра́шася христиа́нстии в це́рковь Бо́жия Ма́тере, / кня́же Васи́лие и Богому́дрый Константи́не, / раду́ющеся, пра́зднуют и пита́ются днесь духо́вно, церко́вни засту́пницы, / словесы́ ва́шими, Богому́дрии му́ченицы.

Соплетѣ́ний нас пога́нских вся́ко разруши́ли е́сте суетныхъ ага́рян сою́з / и к Божѣ́ственной ве́ре привлеко́сте ле́стию связа́вшихся, / развѣрзше техъ ум, му́ченицы святи́и, отверже́нием словесъ, / Васи́лие сла́вный и Константи́не Богоблаже́нный.

Сердца́ ва́ша бы́сте, блаже́ннии, непоро́чна оправда́нием о́бщаго Влады́ки, / Егоче́ возлюбивше, плоть удержали́ е́сте / и, чудесъ благода́тию связа́вше недуги, / исцеля́ете душ на́ших и телесъ люте́йшия стру́пы.

Богоро́дичен: Украси́шася, Де́во, де́вства Твоего́, Пресвята́я, добро́тами / и́же пе́рвою язвою из ра́я изгна́вшася по́мыслом равнобо́жия, / оде́жду нетле́ния тем дарова́, Христа́ ро́ждши, Богоблаже́нная.

Песнь 6

Ирмос: Во глубинѹ сердца морскаго беззаконий отвержен бых, / яко Иона, вопию Ти: / возведи мя от гли, / да воздам Ти молитвы моя, Господи.

Приспѣ празник радостен обрѣтения честныхъ мощей Васілія и Константіна, / тем, людіе, возопіем, глаголюще: / Богомудрии и преблаженнии, / яко цвѣти, в райскихъ селѣнияхъ предстояще Святѣй Троице, / молитѣ о поющихъ васъ.

Россійская похвало и утверждѣние роду христіанскому, / страстотѣрпцы Богомудрии, Васіліе славне и Константіне премудре, / просите душамъ нашимъ очищѣние греховъ и велию милость.

В свѣтлую пѣмѣть ликъ составльше, / да, торжествуемъ, празднолѣбцы, Васілія и Константіна, и возопіемъ, глаголюще: / о предстоятелие блаженнии Трѣхъчленней Троице, / молитѣ спастися поющимъ васъ.

Богородичен: Тебѣ, Всенепорѣчная Отроковице, / всесвѣтлую палату Слѣва Божія, непрестанно, вѣрнии, воспеваемъ / и блажимъ Тя, рѣдшюю намъ Начальника жизни, / от Троицы Единаго — Христа, Бога нашего.

Ин

Ирмос: Очисти мя, Спасе, / многа бо беззаконія моя, / и из глубины золъ возведи, молюся, / к Тебѣ бо возопихъ, и услыши мя, / Бѣже спасѣнія моего.

Преславно прославилисья Божѣственнымноу благодатию, / самобратнии князи, Васіліе славный и Константіне премудрый, / благочѣстию свѣтло наказавшеся.

Юношски храбрствовавше во отѣчествии своемъ, / славно и мужески победисте молитвою вашею лютаго ратоборца, / проклятаго царя Батія, / славный Васіліе купно с Константіномъ премудрымъ, / деломъ и словомъ, победы венцы от Христа приѣмше.

Нѣщи и тьмы сынове нарекошася прѣтивнии, / и нѣне вы, яко во дни свѣта к Богу пѣние приносяще, / за отѣчество наше Бога молитѣ, / в мирѣ и тишинѣ сохранити ѣ и победы на сопротивныя даровати.

Богорóдичен: Уясняются прорóчества гла́си, /
 ѿмиже мы ны́не поём Тя, Богорóдицу, /
 ви́дяще сбытіе на Тебѣ честныхъ прорицаний, Влады́чи-
 це, /
 яко дѣвства войстинну и чистоты вмести́ли-
 ще.

Конда́к на обрѣтение мо́щей, глас 4:

Днесъ Цѣрковь разширяет недра своя / и приѣм-
 лет многоцѣлебныя мо́щи ва́ши, / добропобѣд-
 нии страда́льцы, / Васи́лие сла́вне и Константи́не
 Богому́дре, / и, яко шипокъ благовонный, напо́ется
 пречу́дными арома́ты, / бога́тными чудоде́янии от
 неисто́щимых сокрови́щ, / от пресла́вных мо́щей
 ва́ших, / и ра́достно ча́д своихъ созыва́ет вопи́ти,
 лю́дие: / ра́дуйся, дво́ице пречу́дная, оте́честву
 своему́ стено́ необори́мая.

Ўкос на обрѣтение мо́щей:

Цѣрковь Бо́жия днесъ вѣсело, / яко в порфи́ру
 ца́рскую, одева́ется и ра́дуется, зову́щи: / уясни́ся
 мой до́брота па́че всякаго гра́да, / се бо возсия́ша
 от земле́наго боку́ два свети́льника пресвѣтлии, /
 честны́я и многоцѣлебныя мо́щи чу́дныя и прес-
 ла́вныя дво́ицы, / Васи́лия благо́роднаго и Кон-
 стант́ина предобля́го, / вку́пе пострада́вших за
 ве́ру христиа́нскую от царя́ злоимени́таго. / При-
 иди́те ўбо, правосла́вныхъ собо́ри, / в лице́ кўпно
 ста́нем о́крест многоцѣлебныя ра́ки на́ших заступ-
 никовъ, исцелѣ́ния то́ки приѣмлюще, / и Христа́
 просла́вим, сицевы́ми дарова́нии сих обогати́вша-
 го, / и согла́сно возопи́ем, глаго́люще: / кто испо-
 ве́сть си́лы Твоя́, Го́споди, / или́ кий язы́к воспѣти
 возмо́жет му́жество и твёрдость ра́зума, / е́же Тебѣ
 ра́ди пострада́ша добропобѣднии страда́льцы? /
 Те́мже и мы, недосто́йнии, любóвию вопи́ем си́це: /
 ра́дуйтесь, Богому́дрии пребла́женнии, / яко
 ца́рским венце́м, от ю́ности украси́вшися бога́ты-
 ми дарова́нии и ми́лостию, / ве́лия власть бы́сте
 своему́ оте́честву. / Ра́дуйтесь, цѣрква́м воздви́же-
 ние и ино́ком любите́лие. / Ра́дуйтесь, ни́щим
 пита́телие. / Ра́дуйтесь, бе́дным утешѣ́ние. /
 Ра́дуйтесь, вдови́цам и сирота́м заступни́цы. /
 Ра́дуйтесь, земли́ Ру́сстей утвержде́ние и князе́м

правосла́вным помо́щницы. / Ра́дуйтесь, пра́вья ве́ры укрепите́лие. / Ра́дуйтесь, льсти беззако́нныя потреби́телие. / Но, о пречестна́я дво́ице, предсто́яще Престо́лу Благода́теля всех Бо́га, / приле́жно моли́тесь дарова́ти побéду на враги́ оте́честву на́шему / и обрести́ нам ми́лость в День Су́дный, / да ра́достною душо́ю вопие́м, лю́дие: / ра́дуйся, дво́ице пречу́дная, оте́честву своему́ стено́ необори́мая.

Песнь 7

Ирмо́с: Го́рдый мучи́тель, но дете́й бысть игра́лище, / я́коже бо персть, попра́вше седмери́чный пла́мень, поя́ху: / благослове́н еси́, Го́споди, / Бо́же оте́ц на́ших.

Усе́рдно да поём, лю́дие, Васи́лия и Константи́на, / ра́дости бо испо́лниша вся, к похвалéнию челове́ки созыва́юще, / вопи́ти Го́сподеви, просла́вльшему Сво́я уго́дники: / оте́ц на́ших Бо́же, благослове́н еси́.

Ба́тыя зломы́сленнаго пото́пысте течéнием крове́й ва́ших, / Васи́лие сла́вне и Константи́не премудре, / и востеко́сте в Го́рний Иерусали́м, / в нёмже предсто́ите Го́сподеви с ли́ки мученик, вопи́юще непреста́нно: / оте́ц на́ших Бо́же, благослове́н еси́.

Хвалéние и честь принесём, соше́дшеся, лю́дие, / пою́ще Васи́лия и Константи́на сла́вных, / чудесы́ бо и зна́меньми удивля́ют весь мир / и, предсто́яще Святе́й Трои́це, вопи́ют немол́чно: / оте́ц на́ших Бо́же, благослове́н еси́.

Богоро́дичен: Утробы́ Твое́я прóйде умное Со́лнце, Богоро́дице, / Сего́ моли́, я́ко Сы́на Своего́ и Го́спода, / подати́ нам от скорбе́й разрешéние и болéзнем обле́гчение, вопи́ющим Христо́ви: / оте́ц на́ших Бо́же, благослове́н еси́.

Ин

Ирмо́с: Бо́жия снизхождéния / огонь устыдéся в Вавило́не иногда́. / Сего́ ра́ди о́троцы в пещи́, ра́дованною ного́ю, / я́ко во цвётнице, ликую́ще, поя́ху: / благослове́н еси́, Бо́же оте́ц на́ших.

Вся обтеко́ша страны́ жити́я ва́ша свята́я исправлéнии учéний, / в пресла́вную бо достигóсте высоту́, благове́рнии кня́зи Васи́лие и Константи́-

не, / Бóгу, вас прослávльшу, вопиюще: / благословен Бог отец наших.

Нищим кормители и вдовицам заступницы, / печальным скорая утѣха, / потопляемым пристанище тихое и избавление обидимым были вы есте, / своему подобистесь Владыце и Учителю, вопиюще: / благословен Бог отец наших.

Звѣзды всемирныя бысте, и светила незаходящая, / и помощницы в бедах, и грешником великое прибежище, / ведущим ходатаи вы и молитвенницы о душах, / предстояще Владыце Христу, всечестнии.

Богородичен: Видети желающе Твой угодницы / Твоего Сына и Бога неизреченную славу, Богородительнице Владычице, / и Сему последоваша, по Божественным стопам Его ходиша.

Песнь 8

Ирмос: Служити Живо́му Бóгу / в Вавилоне отроцы претерпевше, / о мусикийских органах нерадиша / и, посреде пламене стояще, боголепную песнь воспеваху, глаголюще: / благословите, вся дела Господня, Господа.

Церковь вмѣстну и храм одушевлен себе Христу сотворивше, Константине и Василие, / Егоже ради и крови своя излийте, / Емуже ныне предстояще, вопиете: / благословите, вся дела Господня, Господа.

Честное пение принесем вси в настоящее торжество нынешняго праздника — / обрѣтения честныхъ мощей Васи́лия и Константи́на предивных, вопиюще Христови: / благословите, вся дела Господня, Господа.

Шум с небесе слышашеся страшен, егда покрыти быша светильницы под спудом; / егда же возложены быша на свѣщнице, / тогда глас слышашеся благодарен всенародный, / в преславное торжество Васи́лия и Константи́на, / пение бо празднующих слышати, святѣи, сподобистесь, / Господу прославльшу вас во веки.

Богородичен: Щедроты Твоя низпосли нам, Свѣщнице Свѣта Трисияннаго, / и зарю благоутробия Твоего / тьму отжені прегрешений наших,

Богородице, / избавлѣние нѹждным болѣзнем пода-
ющи вѣрою поющим Тя / и превозносящим рожде-
ствó Твоѣ во вѣки.

Ин

Ирмос: *На горѣ святѣй прослávльшася / и в
купинѣ огнѣм Приснодѣвы Моисѣови тáйну явль-
шаго, / Гóспода пойте / и превозносите во вся вѣки.*

Юношски побеждающе начáла и вла́сти тьмы, /
великии князи, Васíлие слáвный и Константíне
Богомúдрый, / угóдницы б́ыли естé Святýя Трó-
ицы и настáвницы ко спасѣнию, / навѣта, и лáяния,
и льсти бесóв отрѣвающе / и стадо своѣ от тех
злодѣйства невредíмо соблюдающе.

Сошѣдшеся днесь лóдие в пáмьятъ вáшу, достóй-
но вас хвáлят, / я́ко страстѣй избавлѣние и согре-
шѣний оставлѣние / приѣмлют молítвами вáшими,
Гóсподеви взывающе: / благословите, вся дела́
Госпóдня, Гóспода.

На земл́и я́ко челове́цы ходяще, / житиѣ на
Небес́и войстинну, я́ко А́нгели, стяжа́сте, / íмже
собесѣдницы яв́истеся, пребывáние и жизнь со-
вершающе óнех, / с н́ими же воспева́ете н́ине: /
благословите, вся дела́ Госпóдня, Гóспода.

Богородичен: Я́коже вожде́лесте с Бóгом б́ыти и
Богоначáльными озар́ившеся видѣнии, / угóдницы
яв́истеся Преч́истей Богородице Влады́чице. /
Éйже и мы вопи́ем со Архáнгелом: / ра́дуйся, Дѣво
Преч́истая, христиáном похвалó и утверждѣние.

Песнь 9

Ирмос: *Тебѣ, Безсмѣртный Истóчник, / и святýх
исцелѣния человекóу рóду / подающе, пр́исно вели-
ча́ем, / я́ко спаса́еши дýши нáша.*

Просвещáеми свѣтом Бóжия благодáти, Васíлие
слáвне и Константíне премúдре, / побѣду от Бóга
на враѓи испросите и молитеся о чтýщих вáша
страдáния, / я́ко да непрестáнно вас велича́ем.

Рáйския п́ищи наслаждающеся, / источѣнием бо
кровей вáших, Богомúдре Васíлие и Константíне
пречúдне, побед́или естé мучítеля / и тогó ра́ди
венцы Цáрствия Небеснаго при́яли естé от Христа́
Бóга, / и н́ине пр́исно молитеся о чтýщих честнóе
вáше торжествó.

К вам приходящим с верою, / яко струи от источника приснотекущаго, исцеление изливаете, / верою вас восхваляющим и любовью торжествующим преславное ваше торжество.

Богородичен: Пение с песнию и хваление, исплетенное от болезненных ми души, / приношаю с любовью Тебе, рождающей естеством Бога, / и прощения моя благоприятными Ти молитвами исполни, Богородице, / и от душевных мя свободи страстей.

Ин

Ирмос: Устрашился всяк слух / неизреченна Божия снизхождения, / яко Вьшний волею сниде даже и до плоти, / от девического чрева быв Человек. / Темже Пречистую Богородицу, вернии, величаем.

В чистоте и целомудрии пребывающе, / житие нескверное, яко безплотни, на земли пожисте, / благовернии князи Василе и Константине, / востекосте бо к Небесным стезям и со всеми радуетесь святыми, / моляще Христа Бога о всех нас.

Вельми возвеличили есте на земли своего Владыку, / уды своими, праведнии страстотерпцы, / видением и детельми Сего прославили есте преславно, / и молитесь Его, да подаст победы нам на сопостаты.

Совокупились есте со Безплотными воинствы и с праведными лики / и со избранными всеми ликуете, / с ними же молитесь о градах своих Христа Бога своего и Владыку, непрестанно о всех нас.

Богородичен: О всех, Владычице, рабех Своих / моли Сына Своего и Бога нашего со угодники Своими, / соблюсти храм сей и сохранить грады и люди от всех скорбей, / да Тя непрестанно величаем.

Светилен:

Радуйся, двоице Богоизбранная, Константине и Василе, / православным людем похвало и воином соблюдение, / варваром побеждение, граду нашему Ярославлю великое утверждение.

Слава: Яко цветы райстии во удолии, процвели есте во граде Ярославле, / всему отечеству своему похвала и сродником слава, / вся страны светом

просвещаете вашим, добродетелей светлостьюми, /
 благочестивии князи Василие и Константине, / не
 престайте молитися о нас и о всем мире Господеви.

И ныне, Богородичен:

Радуйся, верным похвало; / радуйся, Божий
 раю; / радуйся, клятвы разрешение; / радуйся, свет
 сущим во тьме; / радуйся, Марие Преблагословен-
 ная.

На хвалитех стихиры, глас 4.

Подобен: Яко добля:

Яко доблих во страдании, / Василия преблажен-
 наго и Константина славнаго, / сошедшеся днесъ,
 воспойм песньми, / светильники незаходимыя мыс-
 леннаго Солнца, / во тьме сущим неведения возси-
 явшия, / верным веселия ходатаи, / за Христоу
 веру пострадавшия / и от Него венец нетленный
 приимшия / и Божественное наслаждение.

Яко доблих в борении, / Василия славнаго и
 Константина прехвальнаго, / собравшеся и светло
 в память их торжествующе, восхвалим, / яко отеч-
 еству общи заступницы, / сирым и вдовицам
 питатели, / свещи пресветлыя, светильницы все-
 мирнии, / от земли возсиявшии и чудес лучу
 испущающии, / красоту Господню зрети сподобль-
 шиися.

Яко предобляя двоица, / Константине и Васи-
 лие, / светильницы пресветлии, / благое единопра-
 вие вере, / во двою телеси един совет иместе, / за
 Христа купно пострадасте, / от Него же и по
 смерти прославлени бысте различными
 чудодеемии / приходящим с верою и молящимся.

Слава, глас 6:

О, великое и преславное торжество, / досточуд-
 ная и благонароচিতая память / Василия блаженна-
 го с Константином премудрым, / юже како возмо-
 жем воспети или изглаголати / и ублажити по
 достоянию? / Оваго убо яко храбра и благочестива,
 / оваго же яко премудра и благоверие храня-
 ща, / пострадавшия твердо по Христе и за свое
 отечество, / и ныне различныя недуги
 исцеляющия / и всем верным ходатайствующия

спасение./ Мы же, сошедшеся в Божественную церковь,/ радостно восплакавше к ним, сщещем:/ о Богомудрии, преблаженнии,/ предстояще во единстве Святей Троице,/ молитве о чтущих святую память вашу.

**И ныне, Богородичен:
Славословие великое и отпуст.**

НА ЛИТУРГИИ

Блаженны от канона, песни 3-я и 6-я. Прокимен, глас 4: Святѣмъ, ѣже суть на земли Егѣ,/ удивѣ Господь вся хотѣния Своя в них. **Стих:** Предзрѣх Господа предо мною ѡбину, ѣко одесную менѣ есть да не подвижуся. **Апостол к Римляномъ, зачало 99.** Аллилуѣя, **глас 4:** Воззваша праведнии, и Господь услыша их, и от всех скорбей их избави их. **Стих:** Многи скорби праведнымъ, и от их избавит я Господь. **Евангелие от Лукѣ, зачало 106.** **Причѣстен:** Радуйтесь, праведнии, о Господе:

Обретение мощей благоверных князей Василия и Константина Ярославских. Святые благоверные князья Василий и Константин были единственными сыновьями первого князя Ярославского Всеволода Константиновича от брака его с Мариною, дочерью Олега, князя Курского. Всеволод Константинович был родным братом князя Василька Ростовского (†1238, память 4 марта), и оба они, рано осиротев, воспитывались своим дядей, великим князем Владимирским Георгием (†1238, память 4 февраля).

В 1238 году монголо-татарские орды хана Батыея опустошили область великого княжения. Великий князь Георгий с сыновьями и немногочисленным войском вынужден был отступить в Ярославский удел своего воспитанника Всеволода. Здесь, на реке Сити, их настигли отряды неприятелей. Произошла кровавая сеча, в которой погибли великий князь Георгий и князь Всеволод Ярославский, отец Василия и Константина. Василько Ростовский был пленен и мученически погиб за веру и Отечество. К 1238 году относится первое упоминание в летописях о старшем сыне погибшего Ярославского князя Василия (родился не позднее 1229 года), как об одном из князей, спасшемся от меча Батыева. Возмужание

осиротевших юных князей пришлось на сложное и тяжелое время. Наследование княжения принял на себя старший брат Василий. Ему предстояло укреплять ослабевший дух своих подданных, вселять в них надежду, помогать вдовам и сиротам воинов, погибших на реке Сити.

Летописи свидетельствуют, что князь Василий Всеволодович в страхе Божиим правил княжеством, не вступая в междоусобные споры с соседями. Им были восстановлены и обновлены разрушенные в Ярославских пределах монголо-татарами многие храмы.

В 1239 году князь Василий Всеволодович впервые отправился вместе с другими князьями в Орду «про свою отчину», то есть для того, чтобы получить от хана утверждение на Ярославское княжение; он был отпущен, по свидетельству летописца, ханом Батыеем «с честью». Позже Василий Всеволодович еще несколько раз ездил в Орду: в 1244 году с Владимиром Константиновичем, князем Углицким; в 1245 году — вместе со своим дядей, великим князем Ярославом Всеволодовичем. По возвращении из последней поездки к хану он женился на княжне Ксении. У них было двое детей — дочь Мария и сын Василий, умерший малолетним.

Зимой 1249 года князь Василий Ярославский отправился во Владимир-на-Клязьме для встречи с родственным ему святым благоверным великим князем Александром Невским (†1263). Там он тяжело заболел и 8 февраля преставился ко Господу. Гроб с телом князя Василия Всеволодовича от Владимира до Ярославля провозжали его двоюродные братья, Ростовский и Белозерский князья Борис и Глеб Васильковичи вместе со своей матерью, а также сам великий князь Александр Невский: столь велико было их уважение к молодому, но зрелому духом безвременно почившему князю. Погребение совершил епископ Ростовский Кирилл в Ярославском соборном храме в честь Успения Пресвятой Богородицы, на северной стороне которого был положен гроб с телом князя Василия Ярославского.

По кончине старшего брата в 1249 году Константин Всеволодович принял правление княжеством. Он укрепил границы своего владения, страдавшие от постоянных набегов ордынцев. 3 июля 1257 года к Ярославлю подступило монголо-татарское полчище. Князь Константин бесстрашно выступил против превосходивших сил неприятеля с малочисленной дружиной. Перейдя на другую сторону реки Которосли, он вышел на гору, где и произошла кровавая битва с татарами. Несмотря на героическое сопротивление, русские были разбиты превосходившим численно противником. Князь Константин геройски пал вместе со своими воинами. Ярославль был жестоко разорен. Гора, где погиб Ярославский князь с дружиной, с тех пор стала называться Туговой, как место туги (туга—скорбь, тоска, горе). Тело благоверного страдальца было погребено с честью в соборном Успенском храме, у места упокоения его старшего брата Василия.

В 1501 году в Ярославле произошел пожар, во время которого сгорел Кремль и деревянный собор. Когда начали копать рвы для закладки основания нового храма, то обрели два гроба с нетленными телами. По

надписям на каменных плитах было определено, что это—благоверные князья Василий и Константин Ярославские. По просьбе народа епископ Ярославский в присутствии многочисленного духовенства перенес нетленные мощи из Кремля в деревянный храм во имя святых страстотерпцев Бориса и Глеба. Известие об этом событии дошло до великого князя Московского Иоанна III, который послал из Москвы искусных каменщиков для постройки соборного храма. Впоследствии он сам прибыл в Ярославль на поклонение святым мощам своих предков.

После окончания строительства кафедрального Успенского собора святые мощи князей Василия и Константина были вновь торжественно перенесены и поставлены открыто в приделе, освященном в их честь, между столпов, с правой стороны, под древними родовыми княжескими иконами. В 1744 году, во время большого пожара в соборе, святые мощи обгорели, после чего останки их были заключены в ковчеги и вновь положены в Успенском храме, но уже в особо устроенную гробницу. В княжение Василия Иоанновича (1526—1533) монахом Пахомием было написано житие Ярославских чудотворцев. Память святым благоверным князьям Василию и Константину Ярославским совершается дважды в год: 3 июля—в день битвы на горе Туговой, и 8 июня—когда были обреты их святые мощи. В тот же день празднуется память Ярославской иконы Божией Матери, по преданию принесенной в Ярославль благоверными князьями-братьями, и с тех пор находившейся в Успенском кафедральном соборе.

В «Иконописном подлиннике» о святых благоверных князьях сказано: «Василий подобием надсед, брада аки Василия Кесарийского, ризы на нем княжеские, шуба китайчатая, на главе шапка княжеская. Константин подобием сед, брада аки князя Владимира, поуже; ризы княжеские, шуба бархатная, на главе шапка княжеская, в руке меч, и в сапогах».



Прáзднование Пресвятéй Влады́чице Богорóдице ра́ди ико́ны Ея́, нарица́емая «Урю́пинская»

Тропа́рь, глас 3:

Явилася еси́ на древе́ в Донско́й землѣ, / благо-
да́тная Твоя́ ико́на, Богорóдице, / больны́я
исцеля́ти, заблуждшы́я обра́щати; / те́мже умѣ́льно
мо́лимся Тебе́: / изба́ви град наш от вся́каго зла / и
спаси́ лю́ди, к Тебе́ притека́ющия.

Конда́к, глас 5:

Всеблагая́ Чѣ́стая Богорóдице, / к Тебе́ прибега́-
ем, ве́рнии, / Тобо́ю бо позна́хом ми́лость Бо́-
жию, / чу́дную ико́ну Твою́, / от нея́ же вси здра́вие
и спасе́ние прие́млем.

Урюпинская икона Божией Матери была явлена 8 июня 1827 года в станице Урюпинской Хоперского уезда в области войска Донского. В сонном видении Пресвятая Богородица явилась некоей Анне, которая поведала об этом проживавшей с ней Ирине. Обе благочестивые женщины отправились в указанное в откровении место в лесу и увидели там сияющую на иве икону Божией Матери. Женщины сообщили о явлении иконы местному духовенству, но когда клирики с народом пришли на указанное место, иконы на дереве не оказалось. Лишь после горячей молитвы Анны и Ирины все увидели икону, стоящую на воздухе в камышах. Около ивы, на которой первоначально была явлена чудотворная икона, истекли три целебных источника.

Явленная икона была перенесена в дом обретших ее женщин. Многие годы страдая различными недугами,

они горячо молились перед обретенной иконой о своем здравии и получили исцеление. От новоявленной иконы получили исцеление и многие другие болящие. Во время моровой язвы в станице Урюпинской жители станицы вместе с причтом местного Покровского храма с молебным пением обошли селение. В тот же день мор прекратился.

Через некоторое время икона Божией Матери была поставлена сначала на площади перед Покровским храмом, а в 1854 году внесена в самый храм. Икона хранилась в резном позолоченном киоте перед левым клиросом. Перед ней горело много серебряных лампад, подаренных храму благодарными христианами, получившими исцеление от Урюпинской иконы. Известны чтимые списки с этого образа, также озаменованные благодатными проявлениями.

